

عدد — ۹۵

امور اداره و تحریریه و اعلانات و ساثره
ایچون مدیر مشوله مراجعت ایدلیدر .

عرفای امتك مقالات متصوفانه لرینه
جریده صوفیه نك صحیفه لری آچیقدر .
درج ایدلیان اوراق اعاده ایدلر .

جریه ای صوفیه

شیمدیلك هفته ده بر نشر اولتور .

نسخه سی ۴۰ پاره در .

ابونه سی : بر سنه لك اعتباریه ممالك
عثمانیه ایچون ۴۰ آلتی آیلنی ۲۰ غروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در .

ابتدا (الله عمر لر ویرسین) سوزنی سویلیان حضرت عمر در .
 ابتدا و اتع قسانده . هاهل در .
 ایلک ختونه قادین هاجر ام اسماعیلدر .
 ایلک کوزلرینه سورمه چکن قادین زر قاء الیامه در .
 ایلک پیغمبرلک دعواسنده بولان قادین سجاح التیمییه در .
 ابتدا اسلامده بویانمش لباس کهن شمیله زوج عباسدر .
 ابتدا اسلامده حامله اولهرق وفات ایدن قادین حضرت زینب بنت فخر عالمدر .
 ابتدا مهاجریندن مدینهده وفات ایدن و (بقیع) نام محل مبارکه ایلک دفن اولان عثمان بن مظعوندر .
 ابتدا قرمزلی لباس کهن قارونددر .
 ابتدا جاهلیتده شرابی یساق ایدن ولید بن مغیره یاخود قیس بن عاصمدر .
 ابتدا جاهلیتده قماری یساق ایدن اقرع بن حابس التیمییه در .
 ابتدا جاهلیتده زنا ایله رجم اولان ربیع بن حداتدر .
 ابتدا جاهلیتده جزای سرقت اولهرق قطع یده محکوم ایدیلن ولید بن مغیره در .
 ابتدا مزدلفهده آتش یاقان قصی بن کلابدر .
 ابتدا قبل البعثه مکده اظهار توحید ایدن قس بن ساعدهدر .
 ابتدا بیت مکرمده دود قربان ایدن الیاس بن مضر در .

مترجمی :

ابوالمحمض

تراجم

شیخ کامل عالم وعامل یعقوب خان حضرتلری
 قدس الله سره

بوزات محترم ۱۲۸۰ سنهسندهاعلان استقلالیت ایدن کاشغرامبری
 یعقوب خان حضرتلرینک تعلقاتندن ایکن سفارت مخصوصه ایله جتیمکان
 سلطان عبدالعزیز خان حضرتلرینک نزد شاهانسه اعزام اولتمیشیدی
 ترجمه حال رسمیی قاموس الاعلامده مندرجدر .
 خدمت رسمیه ایله ایکی دفعه استانبوله کلشدر . برنجیسی ۱۲۹۰
 ایکنجیسی ۱۲۹۲ سنهلهندهدر کاشغرامارتنک روس استیلاسنهمعروض
 قالمی اوزرینه یعقوب خان حضرتلری استانبوله اخیسار اقامت
 ایشلردی صورت خصوصیهده کلیشاری مکرردر .
 ایلک دفعه تشریفلرنده فاتح جوارنده اقامت بیورمشلردی کندیلری

طریق نقشبیدن ماذون اولمغله برابر بوراده مشایخ کرام ایلهده ملاقات
 ارزوسنده بولندقلرندن بدایه مشهورشیخ فیض الله افندی حضرتلرینک
 حجتده بولنوب بالاخره حمای توفیق افندی [۱] حضرتلرینه ملاقی
 اولدقده بینهماده بعض اسرار ظهور ایتمکله توفیق افندیکن دائمی
 حجتده بولنهرق پک چوق استفاده ایشلردر حضرت شیخک انتقالندن
 ایکی سنه مکرر کاشغره عزیمت وبرقاج سنه مکرر عودت ایدرک حامینک
 وارث کالاتی شیخ مصطفی پک [۲] مرحومک مجلس حجتده دوام ایشلردی
 ۱۲۸۹ سنهسنده مصطفی پکک انتقالنده یعقوب خان مملکتده بولندیفندن
 منتسین طریقتلری متحیر بر حالده لر ایکن اشارت مغویه اوزرینه
 استانبوله عودتله تربیه وتسلیک مسترشدین ایله مشغول اولمشلردی .
 صورت رسیده استانبوله کلدکلر ننده سلطان احمد ومحمود پاشا جوارندهکی
 قوناقلرنده اقامت و صکره لری ایسه جراح پاشا جوارنده قوناقلرنده
 ازوا بیورمشلردر بوراده یدی سنه قدر بولنوب فقط دور
 استبدادک تأثیراتیله هندستانده دهلی شهرینه کیدرک اون بش سنه قدر
 نشر انوار حقیقت بیوروب عالم فنادن کذر ایشلردر .
 یعقوب خان حضرتلری اوزوننه قریب بویلی سیرک و بیوکیه صقاللی
 وجهاً اسمرو وجودجه ملحم ایدی فوق العاده تناسب اندامه مالک اولوب
 کوزلری پک حقیقت بین ایدی غایت حلیم الطبع و اخلاق محمدیه ایله
 متصف اولدیغندن شرف حجتده مظهر اولانلر یانلرندن ایرلمی
 ایسته مزلردی .

غنائی طبعه مالک ، فقرا پرور ایدی . دائماً بخارا اصولی صاریق
 صارارلر هر حال وحرکاتنده سنت سنیهیه متمسک بولنورلردی
 ارتحاللرنده سن عالیلری یتیم سکز ایله سکسان ارمننده ایدی .
 علوم عربیه وادیات فارسیهده یدطولا صاحبی اولوب علم تصوفک
 غوامضنه واقف و علم لدنه مالک ایدی مکتوبات علیه لری پک مهم اولوب
 خصوصیه حضرت شیخ اکبر افندمزنک فصوصنه فارسیجه یازدقاری
 شرح اخیراً هندستانده طبع ونشر اولمشدر .

شریاب حجت طریقتلری اولان برچوق ذوات کرام ایله مشرف
 اولیشدم حضورلرینه کیرلیدیکی زمان قید ماسوا محو اولوردی دیه
 نقل ایدرلر .

خلاصه : مشارالیه حضرتلری کلستان عرفان شعبانیده اچلمش
 بر کل محمدی ایدی . جناب حق سرلرینی تقدیس بیورسون امین .
 عبدالقادر پک اسمندهکی مخدوملری خدمت عثمانیهده بولنقددهدرلر
 دامادلرینک بری اسکدارده نالجهجی درکاهی شیخی احسان ودیکری
 دیوان محاسبات مأمورین کرانندن نظمی افندیلر اولوب هر ایکسیده
 مابه الاقتحار اهل محبتدر .

حسین وصاف